

Ro Mataana Kana Ta Yoan Ibeede

Ni tau ikam mbotɲana ta ki Anutu i piti

¹ Sua tau imbotmbot ta mata popoten mi imar, ta amzzo pa. Sua tana iswe Ni tau ikam mbotɲana ta ki Anutu i piti. Ni niamɲan ambotmbot, mi amleɲ kat kalɲaana, amre kat mbulu kini pa motoyam, mi amteegi pa nomoyam.✧ ² Tana mbotɲana mata yaryaaraɲana katuunu, ta ipet mat mi niam amre i kek. Ni ziru Tamaana timbotmbot ta munɲu mi imar. Mi ni ipet mat ma amre i, tanata amzzoyaryaara uruunu piom mi ampombolmbol sua kini.✧ ³ Tana koronɲ ta niam amre mi amleɲ kat, ta amzzoyaryaara piom, bekeni niom tomini kagaaba yam mi itiɲan taparlup ti. Naso itiɲan Tamanda Anutu tulup ti ma tewe tamen.✧ ⁴ Sua ti, ambeede ima piom, bekeni itiɲan lelende ambai ma ambai kat.✧

Tapa pai kiti pa mat leleene

⁵ Sua ta amleɲ la kini, ta amzzoyaryaara piom. Sua ta kembei: Anutu, ni mat katuunu. Tana zugut sa irao be igaabi na som.✧ ⁶ Tana iti sombe toso itiɲan Anutu taparlup ti, mi tamen takamam zugut ka mbulu, ina tapakaam mi tototo sua ɲonoono som.✧ ⁷ Mi sombe tapa pai kiti pa mat leleene kembei ta Yesu, inako taparlup ti ma tewe

✧ **1:1:** Lu 1:2, 24:39; Yo 1:1-14, 20:27; 2Pe 1:16 ✧ **1:2:** Yo 21:24

✧ **1:3:** Yo 17:21 ✧ **1:4:** Yo 15:11 ✧ **1:5:** Yo 1:9; 2Kor 6:14+;

1Tim 6:16; Yems 1:17 ✧ **1:6:** 1Yo 2:9

tamen, mi Anutu Lutuunu Yesu sinjiini ipus ti pa sanaana kiti ta boozomen ma tengeeze kat.*

Tawatkaala sanaana kiti pepe

⁸Iti sombe toso sanaana sa imbot la lelende som, mi lelende ingeeze men, na tapakaam itundu, mi sua nonono imbot la lelende som.* ⁹Mi sombe teswe sanaana kiti, mi tezem, na irao tapase pa Anutu be ito sua kini mbuknana mi ireege piti, mibe ipus ti pa sanaana kiti ta boozomen ma tengeeze. Mi ni iso ikam ta kembei, ina indeenje men.* ¹⁰Tana iti sombe toso takam sanaana sa som, na sua ki Anutu imbot la lelende som, mi iswe kembei tere Anutu sua kini kembei sua pakaamnana.

2

Krisi imender piti

¹O lutujan, sua ti, nio anbeede piom, bekenamotoyom ingal ituyom. Kokena kotop pa sanaana. Tamen sombe tomtom tasa itop pa sanaana, na itilende tomtom ndeenenana ta imendernder piti, mi izzo sua kiti ila ki Tamanda Anutu. Ni Yesu Krisi.* ²Ni itunu imeete bekenam ireege sanaana kiti mi ikoto Anutu kete malmalnana kini. Mi uraata kini tana, ni ikam piti men som. Ikam pa wal boozomen ta timbot toono na.*

Matanda ingal be toto tutu ki Krisi

³Iti sombe tototo Krisi tutu kini, na iswe kembei iti tuute i.* ⁴Mi sombe tomtom sa isombe ni iute

* **1:7:** Ibr 9:14; 1Pe 1:19; 1Yo 2:9+; Tur 7:14 * **1:8:** Ro 3:9-23

* **1:9:** Mbo 32:5, 51:2; Ro 3:26; Yems 5:16 * **2:1:** Ro 8:34; 1Tim 2:5; Ibr 7:25, 9:24 * **2:2:** Yo 1:29, 11:52; Ro 3:23+, 5:18 * **2:3:**

Yo 13:34+, 14:21, 15:12

Krisi, mi tamen itoto tutu kini som, na mbulu kini tina iswe i kembei ni tomtom pakaamɲana, mi sua ɲonoono imbot la leleene som. ⁵ Pa bela tototo sua ki Krisi, to mbulu ki Anutu ta ni iur leleene piti i, iur ɲonoono. Tana iti sombe takamam ta kembei, na iti tuute: Tewe Krisi lene, mi tesekap la kini kek. ✧ ⁶ Tana sombe tomtom sa iso ni iwe Krisi lene mi isekap la kini, na bela ipa pai kini ma kembei ta Krisi itunu. ✧

Tuur leleende pizin tomtom

⁷ O niom wal tio, nio ɲɲi aɲbeede tutu popoɲana piom som. Pa indeeɲe ta kuurla mata popoten mi imar na, niom kuute tutu ti. Pa tutu muɲɲana ti imbot la sua ta tizzo piom mi kelen kek na. ✧ ⁸ Tamen tutu ɲɲi, ɲɲi popoɲana tomini. Pa ka mbulu ɲonoono tau tere ise ki Krisi mi iwedet piom i tomini. Pa ɲɲi zugut ikamam be imap. Mi mat ɲonoono tau iyaryaara i. ✧ ⁹ Sombe tomtom sa iso ni imbotmbot la mat leleene, mi tamen iurur koi pa toɲmatiziɲ sa ta ki Krisi i, ina ni imbot mat leleene som. Ni imbotmbot zugut leleene men. ✧ ¹⁰ Mi tomtom ta sombe iurur leleene pizin tomtom, na ni imbotmbot la mat leleene. Tomtom ta kembei na, iti tuute: Ni ko ikam mbulu sa tabe ikam tomtom toro ma itop pa sanaana i na som. ✧ ¹¹ Tamen tomtom ta sombe iurur koi pa toɲmatiziɲ sa ta ki Krisi i, na ni imbotmbot zugut leleene men. Tana ni iwɲa lela zugut leleene, mi ikankaana pa zaala tabe ila pa i. Pa zugut izuk mataana kek. ✧

✧ **2:5:** Yo 14:21,23 ✧ **2:6:** Mt 11:29; Yo 13:15, 15:4+; 1Pe 2:21

✧ **2:7:** Yo 13:34+, 15:12 ✧ **2:8:** Yo 1:9, 8:12; Ro 13:12; Ep 5:8; 1Tes

5:5,8 ✧ **2:9:** 1Kor 13:2; 2Pe 1:7+ ✧ **2:10:** Ro 14:13 ✧ **2:11:**

Yo 11:10, 12:35; 1Yo 1:5

Tombot molo pa koronj toono kan

¹² O lutuŋan, sua ti, inŋi aŋbeede piom paso, Tamanda Anutu ireege sanaana tiom pa Yesu Krisi zaana ma ila lene kek. ✧ ¹³ Mi niom kolman na, aŋbeede sua ti ima piom paso, Ni tau imbotmbot ta mata popoten mi imar na, niom kuute i kek. Mi niom nanŋaŋ popoŋoyom na, aŋbeede sua ti ima piom paso, niomŋan Tomtom Sanaana koporou ma kilip pini kek.

Lutuŋan, nio aŋbeede sua ti ima piom paso, niom kuute Tamanda Anutu kek.

¹⁴ Mi niom kolman na, aŋbeede sua ti ima piom paso, Ni ta imbotmbot ta mata popoten mi imar na, niom kuute i kek. Mi niom nanŋaŋ popoŋoyom na, aŋbeede sua ti ima piom paso, niom kemendernder mbolŋana, mi sua ki Anutu imbol la leleyom, mi niomŋan Tomtom Sanaana koporou ma kilip pini kek. ✧

¹⁵ Toono ti ramaki ka mburu mi mbulu na, kuur leleyom pa pepe. Pa sombe tomtom sa iurur leleene pa koronj toono kan, inako iurur leleene ila ki Tamanda Anutu som. ✧ ¹⁶ Mbulu toono kana na, iti tuute kek: Nindi zze pa koronj kulindi kana, matanda berber pa koronj matakiŋa, mi tapase pa itundu mburanda mi tapakurkur itundu. Mbulu boozomen ta kembei imar pa Tamanda Anutu som. Ina mbulu toono kana men. ✧ ¹⁷ Mi iti tuute: Toono ti ramaki ka mbulu ta tomtom nin zze pa i, ina kola imap. Tamen tomtom ta sombe itoto Anutu leleene, na ni ko imbot ma alok. ✧

✧ **2:12:** Lu 24:47; Nŋo 4:12, 10:43 ✧ **2:14:** Ep 6:10 ✧ **2:15:** Mt 6:24; Ro 12:2; Yems 4:4 ✧ **2:16:** Ro 13:14; Yems 4:16; 1Pe 2:11 ✧ **2:17:** Mbo 15:5; Mt 7:24; 1Kor 7:31; Yems 1:10+

Krisi ka koi bizin

¹⁸ Lutunjan, kere yom! Pa inġi mazwaana kaimer kana kek. Muġgu tiso yom pa sua ta kembei. Tiso: “Kaimer ko Yesu ka koi * sa ipet.” Mi buri taingġi boozomen ta tipet kek. Tana iti tuute: Inġi mazwaana kaimer kana ipet kek. ✧ ¹⁹ Wal tana, muġgu tigabgaaba iti, mi itinjan tuluplup ti ma tombotmbot la mbata. Mi inġi tizem lupņana kiti kek. Tana ko muġgu iti gaabaņanda ŋonoono zin som. Pa kena so tizem ti som, mi itinjan tombotmbot men lak. Mi inġi som. Tana tere iti. Pa mbulu kizin tana iswe kembei wal pakan ta timbotmbot la lupņana kiti leleene na, gaabaņanda ŋonoono som. ✧

²⁰ Tamen niom na, Ni ta Potomņana na, ikam Bubunjana mburaana ma isalakaala yom kek. Mi niom ta boozomen kuute sua ŋonoono. ✧ ²¹ Kokena kakam ŋgar kembei nio aņso niom kakankaana pa sua ŋonoono, tanata aņbeede sua ti ima. Na som. Sua ŋonoono, ina niom kuute kek. Mi sua tana irao ipiyooto sua pakaamņana sa som. ✧

²² Mi asiņ ta izzo sua pakaamņana? Ina ni ta iurla ki Yesu som, mi izzo Yesu ni Mesia som. Tomtom ta kembei, ni iwe Krisi ka koi. Mi tomtom ta sombe iurla ki Krisi som, na ni iurla ki Tamaana som tomini. ✧ ²³ Pa tomtom ta sombe iurla ki Lutuunu som, na Tamaana tomini ko imbotmbot raami som. Tamen tomtom ta sombe iswe urlaņana kini

* **2:18:** Yesu ka koi ti, Grik kalņan tipaata tisombe “Antikrais.”

✧ **2:18:** Mt 24:5,24; 2Tes 2:3; 1Tim 4:1; 2Pe 2:1; 1Yo 4:3 ✧ **2:19:**

Mbo 41:9; Nġo 20:30 ✧ **2:20:** 1Kor 2:15; 2Kor 1:21; Ep 1:13

✧ **2:21:** Ro 15:14 ✧ **2:22:** 1Yo 4:3

ila iwal matan kembei ni iurla ki Lutuunu, ina Tamaana ko imbotmbot raami tomini. ✧

²⁴ Tana sua ḡonoono tau tiso piom ta mata popoten mi imar na, motoyom ingal be kikiskis ma imbol la leleyom. Naso kesekap la ki Tamanda Anutu ziru Lutuunu ma kombotmbot. ✧ ²⁵ Mi ina mbotḡana ki Anutu ta iseḡge iseḡge ma ila. Muḡgu Yesu itunu imbuk sua be ikam lende mbotḡana ta kembei. ✧

²⁶ Sua ti, nio aḡbeede piom paso, aḡsombe aḡsope yom pizin wal tau tikamam be tipandelndel yom i. ²⁷ Mi niom na, kakam Bubunana mburaana ma isalakaala yom kek. Mi mburaana tana imbotmbot raama yom men i. Tana zin wal ta tiserseere be tipaute yom na, len uraata sa piom som. Pa Bubunana itunu ko ipaute yom pa koron ta boozomen. Bubunana tana koron ḡonoono. Pakaamḡana sa som. Tana ḡgar ta so Bubunana ipaute yom pa na, motoyom ingal be kikiskis. Naso kesekap la ki Kriḡi ma kombotmbot. ✧ ²⁸ O lutunḡan, motoyom ingal be kesekap la ki Kriḡi ma kombotmbot. Beso ni imiili ma imar mini, na iti ko tomoto i som, kanda mianḡ som, mi toko pini som. Ko nindi se, mi temender la kereene uunu raama lelende ambai. ✧

²⁹ Iti tuute: Kriḡi, ni tomtom ndeḡḡana. Tana tomtom ta sombe ikamam mbulu ndeḡḡana men na, tuute: Ni, Anutu ikami ma iwe poponḡana mi iwe ni lutuunu kek. ✧

✧ **2:23:** Yo 5:23, 14:7+, 15:23; 1Yo 4:15, 5:1; 2Yo 9 ✧ **2:24:** Yo 14:23 ✧ **2:25:** Yo 6:40, 17:3; 1Yo 5:11 ✧ **2:27:** Yo 14:26, 16:13+; 1Kor 2:10; Ibr 8:10+ ✧ **2:28:** Mk 8:38; 1Yo 4:17 ✧ **2:29:** Yo 1:12+, 3:3+; Tit 3:5; 1Yo 3:7,9+

3

Anutu lutuunu bizin ko tipa ki Taman

¹ Kere. Tamanda Anutu, ni leleene piti ilip kat. Pa ipaata iti be itunu lutuunu bizin. Mi sua tina, ŋonoono kat. Ni lutuunu bizin ta iti. Tamen wal toono kan tikilaala kat iti som. Paso, tiute Anutu som.✧ ² O niom wal tio, koozi iti tewe Anutu lutuunu bizin kek. Mi kaimer ko tewe pareiŋanda, ina takankaana pa. Pa Anutu iswe piti zen. Tamen iti tuute: Kaimer sombe Kriŋi iswe itunu ma imbot mat, mi tere kati, nako tewe kembei ta ni itunu.✧ ³ Mi wal boozomen ta so tiurur matan pa mbulu tana be ipet, inako tiurpewe zitun be lenen mi mbulu kizin iŋgeze kembei ni itunu.✧

⁴ Wal boozomen ta sombe tikamam sanaana, ina timololo Anutu tutu kini. Pa sombe tomolo Anutu tutu kini, na takam sanaana. ⁵ Mi iti tuute: Kriŋi, ni isu toono bekena ipambiriizi sanaana ma ila lene. Mi ni itunu le sanaana sa som.✧ ⁶ Tana tomtom ta sombe isekap la kini, inako irao inoknok sanaana kamŋana mini som. Mi sombe tomtom sa inoknok sanaana kamŋana, na ni iki-laala Kriŋi som, mi iute i som.✧

⁷ Lutuŋan, kere. Kokena tomtom sa ipandelndel yom. Tomtom ta sombe ikamam mbulu ndeeŋeŋana, ta iwe tomtom ndeeŋeŋana pa Anutu mataana. Kembei Kriŋi itunu.✧ ⁸ Mi sombe tomtom sa inoknok sanaana kamŋana, na ni tomtom ki Sadan. Paso, indeeŋe ta mata popoten mi imar

✧ **3:1:** Yo 1:12, 3:16, 16:2+; Ro 8:16 ✧ **3:2:** Mt 5:8; Ro 8:29; 1Kor 15:49; 2Kor 3:18; 2Pe 1:4 ✧ **3:3:** 2Kor 7:1; 1Pe 1:15 ✧ **3:5:** Yesa 53:4+; Yo 1:29; 2Kor 5:21; Ibr 4:15; 1Pe 2:22+ ✧ **3:6:** Ro 6:1-14; 1Yo 2:4 ✧ **3:7:** Ro 2:13; Ep 5:6; 1Yo 2:29

na, Sadan inoknok sanaana kamņana. Tamen Anutu Lutuunu, ni isu toono bekenā ireege Sadan uraata kini.✠ ⁹ Tana tomtom ta sombe Anutu ikami ma iwe popoņana mi iwe ni lutuunu kek, inako inoknok sanaana kamņana mini som. Ni ko ipa ki Anutu. Pa Anutu koroņ kini imbotm-bot la leleene. Tana ni ko irao inoknok sanaana kamņana mini na som. Pa Anutu ikami ma iwe popoņana kek.✠ ¹⁰ Tana iti irao tikilaala Anutu lutuunu bizin mi Sadan lutuunu bizin ta kembei: Sombe tomtom sa ikamam mbulu ndeeņeņana som, na ni Anutu lutuunu som. Mi sombe tomtom sa iurur leleene pizin toņmatiziņ ta ki Krisi i som, ina ni tomini Anutu lutuunu som.✠

Lelende par piti

¹¹ Pa indeeņe ta kuurla mata popoten mi imar na, keleņ sua ta kembei: Iti bela tuur lelede par piti.✠ ¹² Tana kere yom: Kokena kakam mbulu kembei ta Kain. Pa ni, Tomtom Sanaana ikami ma iwe lene, to imaņga mi ipun sorok tiziini Abel ma imeete. Mi ipuni ma imeete pa so uunu i? Ni itunu ikamam mbulu sananņana, mi tiziini na, ikamam mbulu ndeeņeņana.✠ ¹³ Tana niom toņmatiziņ tio, sombe wal toono kan tiurur koi piom, na kakam ņgar boozo pa pepe.✠ ¹⁴⁻¹⁵ Iti tuute: Iti tombot la zaala ki meeteņana mini som. Ingi tototo zaala toro tabe tombot ambai pa ma alok. Paso, tu'urur lelede pizin toņmatiziņ ki Krisi. Mi tomtom ta sombe iurur koi pizin toņmatiziņ kini ta ki Krisi

✠ **3:8:** Un 3:15; Yo 8:44, 16:11; Ibr 2:14 ✠ **3:9:** Yo 1:13, 3:3+; Ibr 8:10; 1Pe 1:23; 1Yo 5:18 ✠ **3:10:** Mt 13:38+; 1Yo 2:29, 4:8 ✠ **3:11:** Yo 13:34, 15:12; 1Tes 4:9 ✠ **3:12:** Un 4:8; Ibr 11:4 ✠ **3:13:** Mt 5:11+; Yo 15:18+, 17:14; 2Tim 3:12

i, na ni imbotmbot men la zaala ki meeteɲana. Pa tomtom ta kembena, Anutu ire i ma raraate kembei ta tomtom ta ipun tomtom toro ma imeete. Mi niom kuute: Tomtom ta so ipun tomtom toro ma imeete, na ni ikam mbotɲana ta ki Anutu i som.✧

¹⁶ Indeeɲe Yesu Krisi ikam murindi, mi izem itunu ma imeete piti na, iswe kat mbulu kini ta iurur leleene piti. Tana iti tomini bela takam mbulu raraate men, mi tezem itundu mi koron kiti pizin toɲmatizin kiti ta ki Krisi i.✧ ¹⁷ Tana iti sombe tarao pa koron ta ki toono ti, mi sombe tere toɲmatizin kiti pakan tau timbot ɲoobo, mi tamen tu'uulu zin som, inako mbulu ki tuur lelende pa Anutu mi zin tomtom imbot la lelende be parei? Som.✧

¹⁸ Lutujan, kere. Kokena tozzo sorok ma toso iti tuur lelende pizin tomtom, mi tamen takamam ka mbulu som. Pa sombe takam ta kembei, na takam pakaamɲana biibi. Bela takam ka mbulu tomini, tona sua kiti iwe koron ɲonoono.✧

Koron pakan tabe ipombol ti ma tomoto Anutu mini som

¹⁹⁻²⁰ Tana iti tuur lelende pizin tomtom. Naso iuulu iti be tomoto Anutu mini som. Mi iswe kembei sua ɲonoono imbol la lelende. Mazwaana pakan, iti tayamaana la lelende kembei mbulu kiti irao pa Anutu mataana som. Ina ɲonoono. Tamen Anutu, muɲainɲana kini ilip, mi ni iute koron ta boozomen. Sombe takam ɲgar pa koron ru taɲgi, nako tomoto be tala kolouɲana pini som.✧

✧ **3:14-15:** Mt 5:21+; Yo 5:24; Ga 5:19+; Tur 21:8 ✧ **3:16:** Yo 3:16, 15:13; Ro 5:8; Ga 1:4; Ep 5:2,25 ✧ **3:17:** Lu 3:11; Yems 2:15+ ✧ **3:18:** Yems 2:14-22; 1Pe 1:22 ✧ **3:19-20:** Mbo 139:1+

²¹ O niom wal tio, sombe tayamaana la lelende kembei koron sa iwe mbukuunu piti mi Anutu som, inako tomoto be tala koloujana pini som.✧

²² Mi sombe tusunji pa koron sa, na ni kola ikam piti. Paso, iti tototo ni leleene mi tutu kini tau.✧

²³ Mi tutu kini ta ti: Iti bela tuurla ki Lutuunu Yesu Krisi, mi tuur lelende par piti kembei ta Yesu iso piti pa na.✧ ²⁴ Tomtom ta sombe itoto tutu kini tana, na ni ziru Krisi ko tiparlup zin ma tiwe tamen. Mi Bubujana ta Krisi ikam piti i, ko ikam ti ma tikilaala kembei Krisi, ni imbotmbot raama iti.✧

4

Bubujana ta imar pa Anutu mi bubujana sananjana

¹ O niom wal tio, kere yom. Kokena kakan la sorok sua kizin wal boozomen tau tima mi tiso piom ma tisombe: “Niam ti, Bubujana ta ikamam peeze piam.” Bela kitiiri kat zin munju, tona kikilaala zin mi kuute: Zin, Anutu ingo zin ma tima, o som? Nio anso paso, wal boozo kat ta tiwwa pa toono, mi tipakamkaam ma tizzo sorok kembei zin Anutu kwoono bizin. ✧

² Mi Bubujana ta imar pa Anutu na, niom karao be kikilaala uraata kini ta kembei: Wal boozomen ta tiso raama lenen: “Yesu Krisi, ni isu toono ma iwe tomtom,” ina zin tikam Bubujana ta ki Anutu i. ✧ ³ Mi zin wal ta sombe tiyok pa sua tana som, na

✧ **3:21:** Ro 5:1; Ibr 4:16, 10:22 ✧ **3:22:** Mbo 34:15, 145:18; Mt 7:7+, 21:22; Yo 9:31, 14:13 ✧ **3:23:** Yo 6:29, 13:34; 1Pe 4:8
 ✧ **3:24:** Yo 14:23, 15:10; Ro 8:9; 1Yo 4:12+ ✧ **4:1:** Mt 7:15, 24:24; 1Kor 14:29; 1Tes 5:21; 2Yo 7; Tur 2:2 ✧ **4:2:** 1Kor 12:3; 1Yo 5:1

zin tikam bubuņana toro tau imar pa Yesu ka koi tau. Bubuņana tana, ta munġu tisotaara yom pini, mi inġi ni imar ipet kek. ✧

⁴ O lutuņan, Anutu wal kini ta niom na. Mi niom kokoto wal pakamkaamņan tana ma kilip pizin kek. Pa Bubuņana ta imbotmbot la niom leleyom na, mburaana ilip pa bubuņana tau izeebe zin wal toono kan. ✧ ⁵ Wal tana, mbulu mi sua kizin iswe zin kembei zin titoto nġar ki toono men. Tanata zin wal ta tikamam nġar ki toono na, lenen be tilenleņ la sua kizin. ✧ ⁶ Mi niam nġoņana ki Krisi na, Anutu ta inġo yam. Tana tomtom ta so iute Anutu, nako ilenleņ la sua tiam. Mi zin wal ta so tiute i som, nako tilenleņ la sua tiam som. Ina zaala tabe tikilaala uraata ki Bubuņana ta imar pa Anutu mi ipiyotyooto sua nġonoona na, mi uraata ki bubuņana sananņana ta ipandelndel zin tomtom na. ✧

Iti bela tuur lelende pizin tomtom

⁷ O niom wal tio, iti ta boozomen bela tuur lelende par piti. Pa ina Anutu mbulu kini nġonoona. Tana tomtom ta sombe iurur leleene pizin tomtom, ina Anutu ikami ma iwe popoņana mi iwe ni lutuunu kek. Mi ni iute kat Anutu. ⁸ Mi sombe tomtom sa iurur leleene pizin tomtom som, na ni iute Anutu som. Pa mbulu ki tuur lelende pizin tomtom, ina Anutu mbulu kini nġonoona.

⁹ Indeeņe ta Anutu inġo Lutuunu tamennana ma isu toono ti bekeni iwe zaala piti ma takam mbotņana ki Anutu na, Anutu iswe kat mbulu kini ta iurur leleene piti na. ✧ ¹⁰ Mbulu ki tuur lelende

✧ **4:3:** 2Tes 2:7; 1Yo 2:18, 2:22; 2Yo 7 ✧ **4:4:** Yo 16:33; 1Yo 5:4+

✧ **4:5:** Yo 3:31, 15:19 ✧ **4:6:** Yo 8:47, 10:26+ ✧ **4:9:** Yo 3:16;

Ro 5:8, 8:32

pa Anutu, ina ambai. Tamen iti takam kat som. Mi Anutu na, ni iurur kat leleene piti. Kere. Nileleene isaana piti, mi ingo itunu Lutuunu ma isu toono, bekena ikam murindi mi imeete pa sanaana kiti.

✧

¹¹ O niom wal tio, sombe Anutu iur leleene piti ta kembei, na iti tomini, bela tuur leleende par piti.

✧ ¹² Nonoono, tomtom sa ire kat Anutu pasa zen. Tamen sombe tu'urur kat leleende par piti, ina iswe kembei Anutu imbotmbot raama iti, mi mbulu kini ta iur leleene piti na, iur nonoono piti kek. ✧

¹³ Iti tuute: Itiŋan Anutu taparlup ma tombotmbot. Paso, ni ikam Bubunana piti kek. ✧

¹⁴ Tamanda Anutu, ni ingo Lutuunu ma isu bekena iwe ulaana piti tomtom ta tombotmbot toono ti. Mi niam ti, amre kat uraata kini tana, mi amkilaala ka uunu. Tanata ampombolmbol ka sua. ¹⁵ Tana sombe tomtom sa iswe urlana kini ila iwal matan ma iso “Yesu, ni Anutu Lutuunu nonoono,” inako ziru Anutu tiparlup zin ma tiwe tamen. ¹⁶ Mbulu ki Anutu ta iurur leleene piti na, iti tikilaala mi tuurla kek.

Mbulu ki tuur leleende pizin tomtom, ina Anutu mbulu kini nonoono. Tana iti sombe tombotmbot la mbulu tana mi tototo, inako itiŋan Anutu taparlup ti ma tombotmbot. ✧ ¹⁷ Naso mbulu kini tana imbol pa leleende, mi indeeŋe nol biibi tabe Anutu itiiri iti pa mbulu kiti i, inako tomoto som, mi temender la kereene uunu raama leleende ambai. Paso, indeeŋe ta tombotmbot su toono na,

✧ **4:10:** Yo 15:16; Ro 3:24; Tit 3:4+; 1Yo 2:2 ✧ **4:11:** Mt 18:33; Yo 15:12+ ✧ **4:12:** Yo 1:18; 1Tim 6:16 ✧ **4:13:** 2Kor 1:22 ✧ **4:16:** 1Kor 13:13

takamam mbulu ki Krisi. ✧ ¹⁸ Sombe tomtom sa ikilaala kat Anutu mbulu kini ta iurur leleene piti tomtom, inako imoto i mini som. Pa motoŋana uunu imbot la ŋgar kiti tau toso Anutu ko iur kadoono sananŋana piti. Mi sombe tomtom sa imototo Anutu men, ina iswe kembei mbulu ki Anutu tau iurur leleene piti tomtom, ina imbol pa tomtom tana leleene zen.

¹⁹ Anutu, ni iur leleene piti muŋgu, tanata iti tu'urur lelende pini mi zin tomtom. ²⁰ Tana sombe tomtom sa iso ni iurur leleene pa Anutu, mi tamen iurur koi pizin toŋmatiziŋ ta ki Krisi i, na ni ipakaam. Pa zin toŋmatiziŋ kini tana na, ni ire kat zin. Tamen Anutu na, tomtom sa irao ire kati som. Tana sombe tomtom sa iurur leleene pizin tomtom som, na ni iurur leleene pa Anutu som tomini. ²¹ Tanata Krisi ikam tutu tiŋgi piti: Tomtom ta sombe iur leleene pa Anutu, na bela iur leleene pizin toŋmatiziŋ kini ta ki Krisi i tomini. ✧

5

Tikiskis urlaŋana kiti, to tilip pa toono mburaana

¹ Tomtom ta so iurla ki Yesu kembei ni Mesia, na ni Anutu ikami ma iwe popoŋana mi iwe ni lutuunu kek. Mi tomtom ta sombe iur leleene pa Tamanda Anutu, inako iur leleene pa Anutu lutuunu bizin tomini. ✧ ² Mi iti tuute: Zaala tabe tuur lelende pa Anutu lutuunu bizin, ina ta kembei: Tuur lelende pa Anutu mi tototo tutu kini. ³ Pa zaala tabe tuur lelende pa Anutu i, ina ta kembei: Matanda ingalŋgal tutu kini mi tototo.

✧ **4:17:** Yems 2:13; 1Yo 2:28, 3:19+ ✧ **4:21:** Mt 22:39; Yo 13:34+; Ep 5:2; 1Tes 4:9 ✧ **5:1:** Yo 1:12+

Mi tutu kini tana ipata piti som. ✧ ⁴ Pa koron boozomen ta Anutu ipiyooto, inako ilip pa toono mburaana. Mi zaala tabe tilip pa toono mburaana na, imbot la urlaṅana kiti. ✧ ⁵ Asiṅ ta iliip pa toono mburaana? Ina ni ta iurla kembei Yesu, ni Anutu Lutuunu ṅonoono. ✧

Mbulu pakan ta iswe kembei Yesu ni Anutu Lutuunu

⁶ Yesu Kriṣi, ni isu toono ma iwe tomtom, ikam yok, mi siṅiini ireere ma imeete. Tana ikam yok men som. Ikam yok, mi siṅiini ireere ma imeete. Mi Bubuna ta ipombolbol ti be tuurla kini. Paso, Bubuna, ni izzo sua ṅonoono men. ⁷ Tana koron tel ta tipombolbol ti be tuurla ki Yesu, ina ta kembei: ⁸ Bubuna Potomana, mbulu tau ipet pa Yesu indeeṅe ni ikam yok, mi mbulu tau ipet pini indeeṅe siṅiini ireere ma imeete. Koron tel tana, ta un tamen mi tipombol Yesu sua kini.

⁹ Sua ta tomtom tizzo be tipombol tomtom toro sua kini na, iti takanan la mi toso ina ṅonoono. Mi Anutu sua kini na, ilip pa tomtom sua kizin. Tana sua tau ni iso bekenā ipombol Lutuunu sua kini, na iti irao takan la kat. ✧ ¹⁰ Tomtom ta sombe iurla ki Anutu Lutuunu, inako iyamaana la leleene kembei koron ta ni iurla, ina koron ṅonoono. Mi sombe tomtom sa iurla kini som, ina ni ire Anutu kembei ni tomtom pakaamṅana. Pa sua tau Anutu iso bekenā ipombol Lutuunu sua kini na, tomtom tana iurla som. ✧ ¹¹ Sua ta kembei: Mbotṅana ki Anutu ta iseṅge iseṅge mi ila na,

✧ **5:3:** Mt 11:30; Yo 14:15,21+ ✧ **5:4:** Yo 16:33; Ep 6:16 ✧ **5:5:** Ro 8:37; 1Kor 15:57 ✧ **5:9:** Yo 5:32+, 8:17+ ✧ **5:10:** Ro 8:16

Anutu ikam piti kek. Mi itunu Lutuunu ta iwe zaala piti be takam mbotɲana tana. ✧ ¹² Tana tomtom ta sombe ziru Lutuunu tiparlup zin ma timbotmbot, na ni ikam mbotɲana ta ki Anutu i kek. Mi tomtom ta sombe ziru Anutu Lutuunu tiparlup zin som, na ni ikam mbotɲana ta ki Anutu i som. ✧

Mbulu ki sunɲana

¹³ Sua boozomen taɲgi, nio aɲbeede ima piom wal tau kuurla ki Anutu Lutuunu i bekena aɲpombol yom ma kuute kat ta kembei: Niom kakam mbotɲana ta ki Anutu i kek. ✧

¹⁴ Tana iti toмото be tusuɲ Anutu pa kosa sa pepe. Pa sombe tusuɲi pa koron sa, mi koron tana irao pa ni leleene mi ɲgar kini, na ni ko ileɲ ti pa. ✧ ¹⁵ Iti tuute: Anutu, ni ileɲleɲ sunɲana kiti totomen. Tana sombe tusuɲi pa lende koron, na ni kola ikam piti.

¹⁶ Iti sombe tere toɲmatizij kiti sa ikamam sanaana, mi tamen sanaana kini tana iyembut kati pa Anutu som, na lende uraata be tusuɲ Anutu be iurpe i, mibe ikami ma imiili mini pa mbotɲana ta ki Anutu i. Kokena imbotmbot ta kembei, to kaimer ila lene kat. Mi zin wal tau tipizil kat ndemen pa Krisi, mi lelen be tikiskis sanaana kizin, ina nio aɲso kan sua som. Pa wal ta kembei na, len zaala sa mini som. Tana zin ko tila len. ✧ ¹⁷ Nonoono, sanaana ta boozomen ipasaana iti pa Anutu mataana. Tamen sombe

✧ **5:11:** Yo 1:4, 3:16, 17:3 ✧ **5:12:** Yo 3:36, 5:24 ✧ **5:13:** Yo 20:31 ✧ **5:14:** Yo 14:13, 16:23 ✧ **5:16:** Mt 12:31+; Ibr 6:4+, 10:26+

tomtom titooro zin mi tizem sanaana kizin na, zin ko tila len som. Ko timbot ambai.

Sua pemetjana

¹⁸ Iti tuute: Tomtom ta sombe Anutu ikami ma iwe poponjana mi iwe ni lutuunu kek, nako irao inoknok sanaana kamjana mini som. Pa ni ta iyooto pa Anutu na, ko mataana pa tomtom tana. Tana Tomtom Sanaana ko irao be ikiskis tomtom tana na som. ✧ ¹⁹ Mi iti tuute: Anutu ikam ti ma tewe lutuunu bizin kek. Mi tomtom boozomen ki toono ti, na som. Tomtom Sanaana ta ikamam peeze pizin. ✧ ²⁰ Mi iti tuute ta kembei: Anutu Lutuunu imar isu toono, mi ipei ngar kiti bekena tuute kat Anutu nonono mi tesekap la kini. Mi itijan Lutuunu Yesu Krisi taparlup ti ma tewe tamen kek. Yesu, ni izzo sua nonono men, mi ni Anutu nonono, mi ni ta ikam mbotjana ki Anutu piti. ✧

²¹ O lutujan, motoyom ingal ituyom, mi kombot molo pizin merere pakaamjan. ✧

✧ **5:18:** Yo 17:15; 1Yo 3:9 ✧ **5:19:** Ga 1:4 ✧ **5:20:** Yo 17:3

✧ **5:21:** 1Kor 10:14; 2Kor 6:16

**Anutu Sua Kini Potomaxana
Genesis, Exodus, Ruth, Psalms, Proverbs, Jonah, and
The New Testament in the Mbula Language of Papua
New Guinea
Sampela hap Buk Baibel long tokples Mbula long
Niugini**

Copyright © 1996 The Bible Society of Papua New Guinea

Language: Mbula

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2017-08-31

PDF generated using Haiola and XeLaTeX on 11 Nov 2022 from source files dated 9 Oct 2020

a815c47a-4c36-5240-a396-70cbd5e9b593